

Oqaluuserisassanut nassuiaat

(Inatsisartut Siulittaasuat)

2024-imi ukiakkut ataatsimiinnerup immikkoortuani siullermi (UKA24 Imm. I-imi) oqaluuserisassat siulittaasoqarfiup misissuataarsimavai aalajangerlugulu immikkoortut sapaatip akunnerani uani ullormi suliarineqarfissaminni angumerineqanngitsoortut sisamannorneq ilanngullugu ullormut tullermut ingerlateqqinneqartassasut, immikkoortullu kingusinnerpaamik sisamannorpat angumerineqanngitsoortut februaarimi ukiakkut ataatsimiinnerup immikkoortuisa aappaannut (UKA24 Imm. II-mut) ingerlateqqinneqarlutik. Siulittaasoqarfiup taamatuttaaq novembarip ulluisa 21-anni maani ataatsimeereernerup kingorna isumaliutiginiarpaat immikkoortut kinguartinneqartut UKA24 imm. II-mi naammassillugit suliarineqarsinnaanissaat qularnaarniarlugu januaarip naalernerani februaarimiluunniit ullunik immikkut ataatsimiiffiusussanik immikkoortitsisoqassanersoq.

Sapaatip akunnerani kingullermi immikkoortut 52, 85, 89, 125, 120, 121 aamma 138 oqaluuserineqarnissat angumerinngitsoorpagut, taamaattumillu taakku ulloq manna ataatsimiinnissatsinnut ingerlateqqinneqarlutik.

Siunnersuuteqartup immikkoortoq 111 oqaluuserisassanit tunuartippaa.

Immikkoortut 90, 106 aamma 148 ullumi ataatsimiinnissamit nuunneqarput, nutaamillu 2025-mi februaarip ulluisa aqqarnganni suliarineqartussanngortinneqarlutik.

Uku akornanni taasisarnerit pillugit isumaqatigiissuteqartoqarpoq:

Aqqalu C. Jerimiassen, Atassut aamma Múte B. Egede, Inuit Ataqtigiit
Mimi Karlsen, Inuit Ataqtigiit aamma Anna Wangenheim, Demokraatit.
Knud Mathiassen, Naleraq aamma Jens-Kristian Therkelsen, Siumut.